

PRAVILNIK O IZMJENAMA I DOPUNAMA PRAVILNIKA O NAČINU OBRAČUNAVANJA I UPLATE DOPRINOSA *

("Službene novine FBiH", broj 48/25)

Član 1.

U Pravilniku o načinu obračunavanja i uplate doprinosa ("Službene novine Federacije BiH", br. 64/08, 81/08, 98/15, 6/17, 38/17, 39/18, 12/21, 6/22 i 19/23), u članu 1. u stavu 1. u zagradi, veznik "i" zamjenjuje se zarezom a iza broja "104/16" dodaje se zarez i riječi: "34/18, 99/19, 4/21, 6/23 i 33/25".

Član 2.

U članu 2. iza stava 1. dodaje se novi stav 2. koji glasi:

"Izuzetno, ukoliko je radnik u skladu sa propisima o radu, zaposlen na nepuno radno vrijeme do četiri sata ili manje, osnovica za obračun doprinosa je plaća, odnosno naknada plaće radnika, u nepunom radnom vremenu, koja se isplaćuje srazmjerno ugovorenom radnom vremenu i ne može biti niža od 50% iznosa najniže plaće utvrđene posebnim propisom.

Dosadašnji stav 2. postaje stav 3. i u istom se riječi: "iz stava 1." zamjenjuju riječima: "iz st. 1. i 2.".

Član 3.

Član 4. se briše.

Član 4.

Član 16. mijenja se i glasi:

"Član 16

Osnovica za doprinose, za lica koja ostvaruju primanja od drugih vrsta samostalne djelatnosti i povremenog nesamostalnog rada, u skladu sa propisima o porezu na dohodak (koja se ne isplaćuju na osnovu zaključenog ugovora o radu, kao što su: primanja po osnovu članstva u predstavničkim i izvršnim organima vlasti, članstva u skupštini, nadzornom odboru privrednog društva, člana upravnog odbora, člana odbora za reviziju, člana upravnog vijeća i drugih njima odgovarajućih tijela drugih pravnih lica, primanja na osnovu rada u komisijama, radnim tijelima i druga slična primanja, primanja stečajnog upravnika i sudije porotnika koji nema svojstvo zaposlenika na sudu, primanja umanjena za porezno priznati iznos izdatka za povremene djelatnosti, naučnika, umjetnika, stručnjaka, novinara, sudskih vještaka, trgovačkih putnika, akvizitera, sportskih sudija i delegata i na osnovu drugih djelatnosti koje se obavljaju uz neku osnovnu samostalnu ili nesamostalnu djelatnost), je svako pojedinačno primanje (bruto).

Na osnovicu iz stava 1. ovog člana primjenjuju se stope iz člana 10a. Zakona."

Član 5.

U članu 17. stav 1. mijenja se i glasi:

"Obaveza za doprinose se utvrđuje pri obračunu plaće i drugih primanja, u skladu sa računovodstvenim propisima".

Stav 2. se briše.

Dosadašnji stav 3. postaje stav 2.

Član 6.

U članu 20. u stavu (1) riječi: "stav (1)" zamjenjuju se riječima: "st. 1. i 2.".

Član 7.

U članu 21. iza stava 2. riječ: "Primjer:" i sav preostali tekst do kraja člana se brišu.

Član 8.

U članu 22. stav 1. se briše.

Dosadašnji stav 2. postaje stav 1. i u istom se riječi: "Ukoliko obveznik doprinosa ima pravo na odbitak porezno priznatog izdatka i ukoliko je ugovoren iznos primitka za isplatu koji uključuje i porezno priznati izdatak, onda se osnovica za doprinose utvrđuje na sljedeći način:" zamjenjuju riječima: "Za primanja iz člana 16. ovog pravilnika, u slučaju kada lice ima pravo na odbitak porezno priznatog izdatka i ukoliko je ugovoren iznos pri-

* Pravilnik je objavljen u "Službenim novinama Federacije BiH", broj 48/25 od 27. juna 2025. godine, stupio je na snagu 28. juna 2025. godine, a primjenjuje se od 1. jula 2025. godine.

manja koji uključuje i porezno priznati izdatak, osnovica za doprinose se utvrđuje na sljedeći način:"

Član 9.

U članu 28., riječi: "alineja 5." zamjenjuju se riječima: "alineja 6.".

Član 10.

U članu 32. u stavu 3., riječi: "Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH" br. 35/13, 53/13, 63/13, 93/13, 103/13, 11/14, 19/14, 46/14, 60/14, 65/14, 105/14, 20/15, 44/15, 53/15 i 73/15)" zamjenjuju se riječima: "propisom kojim se uređuje način uplate, pripadnost i raspodjela javnih prihoda u Federaciji Bosne i Hercegovine".

Član 11.

U članu 35. stav 2. se briše.

Član 12.

U članu 37. u zagradi, veznik "i" zamjenjuje se zarezom a iza broja "86/15" dodaje se zarez i riječi: "34/18, 99/19, 48/21 i 81/23".

Član 13.

Iza člana 40a. dodaje se novi član koji glasi:

"Član 40b.

Obračun doprinosa sa zbirnom stopom doprinosa od 36%, u skladu sa Zakonom o izmjenama i dopunama Zakona o doprinosima ("Službene novine Federacije BiH", broj 33/25), primjenjuje se na plaće koje se odnose na poreznu periodu od 1. jula 2025. godine (za mjesec juli 2025. godine i dalje)."

Član 14.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH" a početak će se primjenjivati od 1. jula 2025. godine.